

695
Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

15-12-2020

Broj: 14-02-04-05134/20
Sarajevo, Decembar 14.2020. godine

SKUPŠTINA KANTONA SARAJEVO
(*Na pažnju , predsjedavajućeg, Elvedina Okerića*)

PREDMET: *Odgovor na zastupničko pitanje broj: 01-04-41956-6/20 od 03.11.2020. godine postavljeno od strane zastupnice Danijele Kristić - dostavlja se;*

Zastupnica Danijela Kristić, na 30. Radnoj sjednici Skupštine Kantona Sarajevo, održanoj dana 03.11.2020. godine postavila je zastupničko pitanje koje glasi

"Molim da me obavijestite da li svi objekti u I i II vodozaštitnoj zoni koji ispuštaju otpadne vode u septičke jame imaju odgovarajuće vodne dozvole i izvršite vanredni nadzor ukoliko niste po ovom pitanju izvršili u 2020. godini. "

ODGOVOR

Nakon što je zaprimljeno zastupničko pitanje, isto je na dalje postupanje proslijeđeno Inspektoratu poljoprivredne, vodne i šumarske inspekcije unutar kojeg organizacijski djeluje kantonalni vodni inspektor.

Navedenim pitanjem nije precizirano na koje izvorište se isto odnosi s obzirom da na području Kantona Sarajevo postoji preko stotinu izvorišta koja imaju najmanje I i II vodozaštitnu zonu i u njima više stotina objekata. Zbog toga se na zastupničko pitanje trenutno ne može dati adekvatan odgovor sve dok se isto ne postavi precizno i direktno.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

16-12-2020

Shodno članu 139. *Zakona o vodama ("Službene novine F BiH"; broj 70/06)* kontrola izvorišta za javno vodosnabdjevanje na kojima se zahvata voda u količini do 10 litara u sekundi je u nadležnosti kantonalne vodne inspekcije, dok je kontrola izvorišta kapaciteta većeg od 10 litara u sekundi (Sarajevsko polje, Kovačići, Peračko vrelo, Hrasničko vrelo, Mošćanica, Misoča, Jeleč, Garovci, Krupa) u nadležnosti federalne vodne inspekcije.

Kantonalna vodna inspekcija je u skladu sa svojim nadležnostima u proteklom periodu izvršila kontrolu 16 izvorišta na području Općine Hadžići, 23 izvorišta na području Općine Trnovo, 14 izvorišta na području Općine Ilijaš te po 2 izvorišta na području Općina Centar i Stari Grad.

U I vodozaštitnim zonama ovih izvorišta se nalaze kaptažni objekti, sa ili bez rezervoara, bez sanitarnog čvora i kao takvi nemaju septičke jame. Kako se većina ovih izvorišta nalazi u teško pristupačnim planinskim područjima tako kod istih u II vodozaštitnoj zoni nema objekata, osim kod izvorišta u blizini urbanih područja kod kojih su postojeći objekti iz II vodozaštitne zone priključeni na javnu kanalizacionu mrežu.


Potrebno je naglasiti da je za objekte koji svoje otpadne vode ispuštaju u septičke jame u postupku izdavanja urbanističke saglasnosti nepходно pribavljanje prethodne vodne saglasnosti, a u postupku izdavanja građevinske dozvole potrebno pribaviti vodnu saglasnost. Da bi se takvi objekti stavili u upotrebu potrebno je izvršiti tehnički prijem istih, te prije izdavanja upotrebne dozvole pribaviti vodnu dozvolu koja je jedna od mnogih dozvola koje je potrebno pribaviti iz raznih oblasti, shodno odredbama *Zakona o prostornom uređenju ("Službene novine Kantona Sarajevo" broj: 24/17, 1/18)*.

Shodno navedenom Zakonu kontrola gradnje objekata je u nadležnosti općinske urbanističko-građevinske inspekcije i općinske komunalne inspekcije a ako postupak nije sproveden po zakonskoj proceduri vrši se rušenje takvih objekata i protiv lica koje je napravilo prekršaj vodi se prekršajni postupak ili podnosi krivična prijava prema nadležnom općinskom sudu. Dakle kontrola vodne dozvole zahtjeva rješenje predhodnog pitanja shodno članu 142. *Zakona o upravnom postupku ("Službene novine F BiH"; broj: 2/98, 48/99)*.

Takođe odredbama *Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdjevanje stanovništva ("Službene novine F BiH" broj: 88/12)* preciziran je popis aktivnosti i nivo ograničenja njihove primjene po pojedinim zaštitnim zonama, tako da je u I i II vodozaštitnoj zoni zabranjeno izvođenje bilo kakvih građevinskih radova odnosno individualne stambene izgradnje uz korištenje samostalnih sistema za tretman otpadnih voda (npr. septičke jame).

S poštovanjem,

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



DIREKTOR

Fahir Haililović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb